

=> *Canciones populares* del Concejo de Aller  
(incluidas en el disco "Pa bailar" de La Bandina):

### Danza'l Señor San Pedro

En Morea ta la fame, en Nembra la floxedá,  
en Muries y en Santibanes, nun tienen barriga yá.  
De Bo salen los papuos, de Nembra, los fardeleros,  
de Muries y Santibanes xugaores y ferieros.

**Estrillu: Válgame nuestra señora, válgame'l Señor San Pedro.**

Tente firme Caborana que Morea yá cayó  
y Piñeres ta cayendo del sustu que recibió.  
Nisi l.lugar de Piñeres préciense toos d'arrieros,  
y el que más tien ye un borricu p'acarrear cirigüeyos.

**Estrillu: Válgame nuestra señora, válgame'l Señor San Pedro.**

En Felechosa de nuiche, n'El Pino pela mañana,  
y en casa la mio morena cuando a mi me dea la gana.  
En Cuergo son mui señores, ensin renta nin dineru,  
toos al.lí vuélvense dones y nengún ye caballeru.

**Estrillu: Válgame nuestra señora, válgame'l Señor San Pedro.**

## Xota Val.lbréu

Nel Conceyu d'Ayer anda la xente asustáo,

l'utru día nuna boda comieron carne robao.

Estribillu 1: Comieron la carne y nun-yos prestó

porque'l mesmu día yá se supo too,

yá se supo too, que yera robéu, la mitá de xetu dexólu enterréu.

Dexólu enterréu, dexólu enterréu, depués por desgracia pagólu  
dobléu (Bis).

El tenía vaques l.ladrones pero'l xetu nun saltaba,

y un día al retirales aquel anuyu faltaba.

Estribillu 2: Ta'l pueblu asustéu colo que pasó,

que cortó-y les pates y nun lu esfol.ló,

y nun lu esfol.ló, qu'andaba apuréu, que faltó-y mui poco pa coyelu  
en preu.

Pa coyelu en preu, corriendo tres d'el. Si lu tresportare nun usa  
cordel (Bis)

Esi xatín en mercáu, valía cinco quinientos

y cobraronlu dobláu pa que sirva d'escarmientu.

Estribillu 1: Comieron la carne y nun-yos prestó

porque'l mesmu día yá se supo too,

yá se supo too, que yera robéu, la mitá de xetu dexólu enterréu.

Dexólu enterréu, dexólu enterréu, dempués por desgracia pagólu  
dobléu (Bis).